

Na osnovu člana 50. stav 1. tačka b) Ustava Zeničko-dobojskog kantona i člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10), na prijedlog Ministarstva finansija, Vlada Zeničko-dobojskog kantona, na 60. sjednici, održanoj dana 09.06.2020. godine, d o n o s i

ZAKLJUČAK

o izvršenju Presude Evropskog suda za ljudska prava u predmetu Hadžajlić i 2 druga protiv Bosne i Hercegovine, ap. br. 10770/18, u odnosu na slučaj Nikolić protiv Bosne i Hercegovine, ap. br. 36786/18

I.

Nalaže se Ministarstvu finansija Zeničko-dobojskog kantona, da u ime Zeničko-dobojskog kantona, izvrši hitno plaćanje obaveza prema aplikantu Slobodanu Nikoliću po Presudi Evropskog suda za ljudska prava u Strazburu, u predmetu Hadžajlić i 2 druga protiv Bosne i Hercegovine, ap. br. 10770/18, u odnosu na slučaj Nikolić protiv Bosne i Hercegovine, ap. br. 36786/18, u dijelu koji se odnosi na dosuđenu nematerijalne štete po aplikantu, troškove i izdatake po aplikaciji nastale u postupku pred Evropskim sudom za ljudska prava, te na eventualne druge troškove u korist aplikanta.

Naprijed navedeno plaćanje se vrši prioritarno, u odnosu na sve ostale povjerioce Kantona (za koje Evropski sud za ljudska prava nije donio presudu).

Isplata sredstava će se izvršiti na račun punomoćnika - advokata aplikanta, koji je naveden u dostavljenoj punomoći i Zahtjevu za isplatu.

II.

Obavezuje se aplikant, da putem svoga punomoćnika - advokata, koji ga je zastupao pred Evropskim sudom za ljudska prava u Strazburu, najkasnije 8 dana nakon prijema sredstava, obavijesti Ministarstvo za ljudska prava i izbjeglice BiH, Ured zastupnika/agenta Savjeta ministara BiH pred Evropskim sudom za ljudska prava, Komitet ministara Savjeta Evrope i Evropski sud za ljudska prava u Strazburu, da je Zeničko-dobojski kanton u potpunosti izmirio sve svoje obaveze plaćanja po predmetnoj Presudi prema aplikantu.

III.

Zadužuje se Ministarstvo za pravosuđe i upravu da zatraži izjašnjenje od Općinske službe za urbanizam, stambeno-komunalne poslove i katastar nekretnina Općine Visoko o razlozima nedonošenja odluke u razumnom roku, a zbog čega je Vlada Zeničko-dobojskog kantona obavezna isplatiti nematerijalnu štetu aplikantu i troškove i izdatake po aplikaciji nastale u postupku pred Evropskim sudom za ljudska prava, te eventualne druge troškove u korist aplikanta.

Zadužuje se Kantonalno pravobranilaštvo Zenica da još jednom razmotri mogućnost regresiranja Zeničko-dobojskog kantona od Općine Visoko za isplaćeni iznos sredstava, te da poduzme i sve druge pravne radnje iz svoje nadležnosti u cilju zaštite interesa Zeničko-dobojskog kantona.

IV.

Za realizaciju ovog zaključka zadužuju se Ministarstvo finansija Zeničko-dobojskog kantona, Ministarstvo za pravosuđe i upravu Zeničko-dobojskog kantona i Kantonalno pravobranilaštvo Zenica, svako u okviru svojih nadležnosti.

V.

Zaključak stupa na snagu danom donošenja.

**PREMIJER
po ovlaštenju**

Mirnes Bašić

Broj: 02-_____ /20

Datum, 09.06.2020. godine

Z e n i c a

DOSTAVLJENO:

1x Ministarstvo finansija,

1x Ministarstvo za pravosuđe i upravu,

1x Kantonalno pravobranilaštvo Zenica,

1x Ministarstvo za ljudska prava i izbjeglice, Ured zastupnika/agenta

Savjeta ministara BiH pred Evropskim sudom za ljudska prava Sarajevo,

putem Ministarstva finansija,

1x Advokat Senija Poropat, ul. Zaima Šarca br. 104., 71000 Sarajevo,

putem Ministarstva finansija,

1x a/a.